

piferum hereditarium, dum hæc scribo ad maximam munerum amplitudinem elatum gratulamur, ita exigentibus à beneficentissimo Principe virtutum tuarum meritis votisque singulorum.

Aliorsum verò vertendam mihi orationem jam cognosco, ne dum officii debitum persolvo ingratus laudibus fiam. Ad Historias ergo nostras redeo, & quas auctoritate, præsidioque tuo in vulgus emittendas curasti, en Tomo altero impressas, Nominique tuo à Palatinis Sociis dicatas, pro mea virili sisto atque offero, exiguum sanè tenuitatis meæ donum, si ad typographicam operam respexeris; non injucundum verò si ad obsequium & animi desiderium. Ad te namque laborum meorum scopus, unde mihi auspiciū, & decus ornatissimum. Accipe igitur, Comes Excellentissime, benignitate qua soles, ut sit in diuturno labore solatium, & quod auspicio tuo inceptum opus, eodem Patrono Te brevè absolvatur. Deus interim saluum sospitemque te publico bono diu servet, & votis nostris occurrat, quæ pro felicitate Familiæ tuæ quotidie nuncupamus. Dabam
Mediolani XIII. Kal. Junias an. MDCCXXIII.